



UNIVERSITÄTS-  
BIBLIOTHEK  
PADERBORN

**Jacobi Sadoleti Card. Et Episcopi Carpentoractensis Viri  
Disertissimi, Opera quæ exstant omnia**

**Sadoleto, Jacopo**

**[Francofurti], 1607**

V. Iacob. Sadolet. S.R.E. Card. Prospero Sanctacrusio S.P.D.

---

[urn:nbn:de:hbz:466:1-69244](https://nbn-resolving.org/urn:nbn:de:hbz:466:1-69244)

signem, & doctissimum hominem, Romulum, totamque familiam Campegiorum domum, qui omnes in Bordingo suum mihi amorem & amorem patefecerunt, meis diligentissimè ut salares vobis, gratiasque cunctis hoc nomine agas, etiam atque etiam te peto. Carpentoracii.

V.

IACOB. SADOLET. S.R.E. CARD. PRO-  
spero Sancti crucis S. P. D.

**M**AGNA me voluptate affecerunt litera tua: ex quibus perspexi, vigere apud te, & memoriam amicitiae nostrae, & studium propensae erga me voluntatis: quam ego habui semper carissimam, ab eo tempore usque, quo tu Patavii optimis artibus operam impendens, nonnulla iam illhinc ad me tui amoris indicia misisti. Quo quidem tempore memoria teneo, me dupliciter ex te laetari esse solitum: cum ab eisdem rebus cognoscerem, & quantum tu mihi tribueres, & quantum ceteris iple aequalibus, qui tunc in eodem versarentur cursu, industria & omni laude ingenii antecelleres. Securi est tempus, cum sumus Remo-  
mniaque ea quae inter nos intercesserant tanquam elementa & semina futurae familiaritatis, congressu nostro mutuisque sermonibus alta, educta, confirmataque sunt: nostraque coniunctio in eum statum adducta, ut & tua mihi obseruantia, & meus tributus amorque patuerit. Sed quorsum haec? Ut intelligas, mi carissime Prosper, ea quae tu scribis in literis tuis, de tuo studio & benevolentia erga me, deque ea fide ac diligentia quam in causis meorum sis praestaturus, etsi iucundissima mihi fuerint legenti literas, tamen etiam sine literis, animo mihi praecipua, ac nimis dubia fuisse. Carolum quidem meum optimo iudicio visum esse video, qui te & Aragonium nostrum patronos populi meo ascriuerit. Quid enim mihi vtriusque vestrum lide, doctrina, benevolentiaque exploratus? Equidem laboro meorum civium curas, ac idque me & iuste & pie facere iudico. Agitur enim illorum meum autem officium: quod ego ita sanctè diligenterque tuteo, ut nihil sit omnino quod habeam antiquius. Quid si in humanis actionibus & negotiis, valuit semper apud me ratio officii praesertim, quid facere debeo in divinis? Ex Deo enim est haec, non ex hominibus, quae mihi cum his populis necessitudo contracta est: quam ego dum integrè castèque custodio, si minus seruo commodis & utilitatibus meis: illos tamen fructus multò vberiores respicor, quod pacatus intus, & totus mihi concors, optima cum spe vivo. Cum igitur mei huius laboris atque officii bona pars ad vos delata vel potius mihi communicata sit vobiscum: peto am-  
bobus



